



SETIAUSAHA KERAJAAN,
NEGERI SELANGOR DARUL EHSAN,
TINGKAT 19,
BANGUNAN SULTAN SALAHUDDIN ABDUL AZIZ SHAH,
40503 SHAH ALAM,
SELANGOR DARUL EHSAN.

Tel : 03-5514 2134 (Terus)
: 03-5544 7043
: 03-5544 7045
Fax : 03-5510 3062

selangorku

'KEJUJURAN DAN KETEKUNAN'

Ruj. Tuan :
IPK.Sel. Pent. 100-10/4/2 (22)
Ruj. Kami : 15 Zulhijjah 1433H
Tarikh : 31 Oktober 2012

Semua Ketua Jabatan/Agensi Negeri Selangor Darul Ehsan

Semua Pegawai Daerah Negeri Selangor Darul Ehsan

Semua Datuk Bandar, Bandar Raya/Yang Dipertua Majlis Perbandaran/Daerah Negeri Selangor Darul Ehsan

Semua Setiausaha Bahagian/Timbangan Pengarah/Ketua Penolong Setiausaha, Sekretariat Pentadbiran Kerajaan Negeri Selangor Darul Ehsan

Y.A.D./Y.Bhg. Dato' Setia/Dato'/Datin Paduka/Tuan/Puan,

SURAT HEBAHAN SUK BIL. 47 TAHUN 2012

SURAT PEKELILING PERBENDAHARAAN BIL. 6 TAHUN 2012

Dengan segala hormatnya dilampirkan sesalinan surat pekeliling yang saya terima daripada Kementerian Kewangan Malaysia bertarikh 8 Oktober 2012 mengenai perkara di atas.

2. Y.A.D./Y.Bhg. Dato' Setia/Dato'/Datin Paduka/Tuan/Puan sekalian diminta **mengambil perhatian akan para 1 hingga 13** surat pekeliling berkenaan.

Sekian. Terima kasih.

"BERKHIDMAT UNTUK NEGARA"

(DATO' HAJI MOHAMMED KHUSRIN BIN HAJI MUNAWI)
D.S.I.S., A.S.A., P.P.T.



KEMENTERIAN KEWANGAN MALAYSIA

SURAT PEKELILING PERBENDAHARAAN BIL. 6 TAHUN 2012

Semua Ketua Setiausaha Kementerian
Semua Ketua Jabatan Persekutuan
Semua Setiausaha Kerajaan Negeri
Semua Ketua Badan Berkanun Persekutuan
Semua Pihak Berkuasa Tempatan

GREED PENDAFTARAN KONTRAKTOR KERJA

TUJUAN

Surat Pekeliling Perbendaharaan (SPP) ini bertujuan memaklumkan kepada semua Kementerian, Jabatan dan Badan Berkanun (Agensi) mengenai penetapan gred dan had nilai perolehan kerja bagi kontraktor kerja untuk perolehan Kerajaan.

LATAR BELAKANG

2. Pada masa ini pendaftaran kontraktor kerja awam dan elektrik bagi perolehan Kerajaan dilaksanakan oleh Pusat Khidmat Kontraktor (PKK), Kementerian Kerja Raya Malaysia. Lembaga Pembangunan Industri Pembinaan Malaysia (CIDB) juga melaksanakan pendaftaran kontraktor di bawah Akta Lembaga Pembangunan Industri Pembinaan Malaysia 1994 (Akta 520) dan Peraturan Pendaftaran Kontraktor (Industri Pembinaan) 1995. Peraturan semasa telah menetapkan bahawa semua kontraktor kerja awam dan elektrik bagi perolehan Kerajaan hendaklah berdaftar di bawah PKK dan CIDB.

3. Bagi mempertingkatkan dan menambahbaik sistem penyampaian perkhidmatan, Kerajaan telah memutuskan pelaksanaan **Sistem Satu Pendaftaran Kontraktor (SSPK)** dan seterusnya menyelaraskan semua pendaftaran kontraktor di bawah CIDB. PKK pula berperanan untuk menyelia dan menguruskan pemberian taraf Bumiputera kepada kontraktor yang layak.

4. Dengan penguatkuasaan SSPK, sijil-sijil yang akan dikeluarkan oleh CIDB dan PKK adalah seperti berikut:

- 4.1 Perakuan Pendaftaran Kontraktor (PPK) oleh CIDB;
- 4.2 Sijil Perolehan Kerja Kerajaan (SPKK) oleh CIDB; dan
- 4.3 Sijil Taraf Bumiputera (STB) oleh PKK.

GRED PENDAFTARAN KONTRAKTOR KERJA

5. Selaras dengan keputusan Kerajaan untuk melaksanakan SSPK, semua kontraktor kerja bagi perolehan Kerajaan untuk kategori Bangunan (B), Kerja Awam (CE) serta Mekanikal (M) dan Elektrik (E) hendaklah mempunyai PPK, SPKK dan STB (jika berkaitan) mengikut gred dan had nilai perolehan kerja yang ditetapkan seperti berikut:

KONTRAKTOR KERJA KATEGORI BANGUNAN/AWAM/MEKANIKAL

Gred	Had Nilai Perolehan Kerja
G1	RM200,000 dan ke bawah
G2	Melebihi RM200,000 hingga RM500,000
G3	Melebihi RM500,000 hingga RM1,000,000
G4	Melebihi RM1,000,000 hingga RM3,000,000
G5	Melebihi RM3,000,000 hingga RM5,000,000
G6	Melebihi RM5,000,000 hingga RM10,000,000
G7	Melebihi RM10,000,000

KONTRAKTOR KERJA KATEGORI ELEKTRIK

Gred	Had Nilai Perolehan Kerja
G1	Sehingga RM200,000
G2	Sehingga RM500,000
G3	Sehingga RM1,000,000
G4	Melebihi RM200,000 hingga RM3,000,000
G5	Melebihi RM200,000 hingga RM5,000,000
G6	Melebihi RM200,000 hingga RM10,000,000
G7	Melebihi RM200,000 dan ke atas

6. Semua Kementerian/Jabatan dikehendaki **mempelawa hanya kontraktor kerja yang berdaftar dengan CIDB dan mempunyai Perakuan Pendaftaran Kontraktor (PPK) dan Sijil Perolehan Kerja Kerajaan (SPKK) dengan gred, kategori dan pengkhususan yang berkaitan** untuk mengambil bahagian di dalam urusan perolehan berkenaan.
7. Peluang kontraktor yang berdaftar dengan Pusat Pendaftaran Kontraktor-Kontraktor Kerja, Bekalan dan Perkhidmatan Negeri Sabah (PUKONSA) atau Unit Pendaftaran Kontraktor Dan Juru Perunding Sarawak (UPKJ) untuk menyertai perolehan kerja masih dikekalkan seperti berikut:
 - i. kontraktor yang berdaftar dengan PUKONSA atau UPKJ dan mempunyai PPK yang dikeluarkan oleh CIDB boleh dipelawa bersama-sama kontraktor yang mempunyai PPK dan SPKK untuk menyertai perolehan kerja yang menggunakan peruntukan Persekutuan di Semenanjung;
 - ii. kontraktor yang berdaftar dengan UPKJ dan mempunyai PPK yang dikeluarkan oleh CIDB boleh dipelawa bersama-sama dengan kontraktor yang mempunyai PPK dan SPKK untuk menyertai perolehan kerja yang menggunakan peruntukan Persekutuan di Sarawak. Kontraktor kerja yang mempunyai PPK dan SPKK juga boleh dipelawa untuk menyertai bersama-sama dengan kontraktor yang berdaftar dengan UPKJ dan mempunyai PPK yang dikeluarkan oleh CIDB bagi perolehan kerja yang menggunakan peruntukan Negeri di Sarawak; dan
 - iii. kontraktor yang berdaftar dengan PUKONSA dan mempunyai PPK yang dikeluarkan oleh CIDB boleh dipelawa bersama-sama dengan kontraktor yang mempunyai PPK dan SPKK untuk menyertai perolehan kerja yang menggunakan peruntukan Persekutuan di Sabah. Kontraktor kerja yang mempunyai PPK dan SPKK juga boleh dipelawa untuk menyertai bersama-sama dengan kontraktor yang berdaftar dengan PUKONSA dan mempunyai PPK yang dikeluarkan oleh CIDB bagi perolehan kerja yang menggunakan peruntukan Negeri di Sabah.
8. Agensi adalah dikehendaki menyatakan Gred, Kategori dan Pengkhususan dalam semua dokumen pelawaan kerja sebut harga dan tender serta notis sebut harga dan iklan tender. Agensi hendaklah menyemak sijil PPK, SPKK dan STB (jika berkaitan) bagi perolehan kerja.
9. Kriteria dan syarat pendaftaran kontraktor kerja mengikut gred, kategori dan pengkhususan akan dikeluarkan oleh CIDB.
10. Agensi juga dikehendaki untuk mengemukakan satu salinan Surat Setuju Terima kepada CIDB bagi kontraktor yang berjaya atau ditawarkan sebut harga/tender kerja.

KUAT KUASA

11. SPP ini berkuat kuasa mulai **15 Oktober 2012** dan hendaklah dibaca bersekali dengan Arahan Perbendaharaan serta Pekeliling lain berkaitan perolehan Kerajaan yang berkuat kuasa.

PEMBATALAN

12. Dengan berkuat kuasanya SPP ini, SPP Bil. 14 Tahun 2002 dan Surat Arahan Perbendaharaan bertarikh 30 April 2010 adalah dibatalkan.

HAL-HAL LAIN

13. Sekiranya terdapat sebarang kemusykilan mengenai SPP ini, Agensi boleh mendapat keterangan lanjut dengan merujuk kepada CIDB dan PKK seperti berikut:


Ketua Eksekutif
Lembaga Pembangunan Industri Pembinaan Malaysia (CIDB)
Tingkat 7, Grand Seasons Avenue
No. 72, Jalan Pahang
53000 Kuala Lumpur
Tel : 03-2617 0200
Faks : 03-2617 0220
Email : cidb@cidb.gov.my

Pengarah
Pusat Khidmat Kontraktor (PKK)
Kementerian Kerja Raya Malaysia
Aras 5, Blok Menara
No. 18, Persiaran Perdana, Presint 2
62652 Putrajaya
Tel : 03-8880 5200
Faks : 03-8880 5204
Email : pro@kkr.gov.my

Sekian, terima kasih.

"BERKHIDMAT UNTUK NEGARA"

Saya yang menurut perintah,


(Dato' Dr. Mohd Irwan Serigar Bin Abdullah)
Ketua Setiausaha Perbendaharaan
Kementerian Kewangan Malaysia.

8 Oktober 2012

s.k. **Ketua Setiausaha Negara**
Ketua Audit Negara Malaysia
Akauntan Negara Malaysia
Semua Pegawai Kewangan Negeri

